



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

6. Theodericus II. Francorum Rex immunitatem & praedia monasterij
Bertiniani an 720. confirmat, petente S. Erkembodo Abbe, pòst Episcopo
Teruanensi.

urn:nbn:de:hbz:466:1-10903

Ego Stupilio Abbas monasterij S. Quintini, iussu Domini Theoderici Regis, & rogatu Vindiciani Episcopi, hoc priuilegium scripsi & subscripsi

Data Kal. Maij, anno viij. Domini Theoderici Regis, Indictione II. Actum in Compendio palatio, in Dein nomine feliciter, amen.

N O T A T I O.

Istud S. VINDICIANI Episcopi diploma seu priuilegium ex Vedastini & Eihamensis monasteriorum archiuis accepimus. Priuilegij eiusdem diserte meminit Lietbertus Cameracensis Episcopus, in suo diplomate, quod Eihamensi Abbatiae an. 1064. concessit, infra suo loco recitandum. Eiusdem mentio fit in Epitaphio Theoderici Regis, quod superiore capite recitauimus. Dubito tamen, an Episcopi & Abbates, qui in diplomate isto memorantur & subscribuntur, uno eodemque tempore omnes vixerint. De singulis consule Fatos nostros Sanctorum Belgij.

C A P V T . V I .

Theodericus II. Francorum Rex immunitatem & prædia monasterij Bertiniani an. 720. confirmat, petente
S. Erkembodo Abbe.

THEODERICVS Rex Francorum, vir illuster, Grauionibus seu & omnibus Agentibus, vel iunioribus eorum, tam præsentibus quam futuris, in cuiuscumque libet actionibus monasterij SITHIV... Si facta parentum nostrorum, quæ ad loca Sanctorum præstiterunt vel concederunt, per nostra oracula confirmamus, digna constitutio exercemus hoc ideo, ut nobis ad laudem vel stabilitatem regni nostri, in Dei nomine, pertinere confidamus.

Igitur venerabilis vir Erkembodus Abbas de monasterio SITHIV (quod est in pago Taruanensi, in honore S. Mariæ genetricis Domini nostri Iesu Christi, nec non & SS. Petri & Pauli Apostolorum vel ceterorum dominorum Sanctorum constructum) ad nostram accessit præsentiam, & clementia regni nostri suggessit, eo quod proauus noster Clodovævs quondam Rex de omnibus curti-

bus vel villis ipsius monasterij, quidquid eo tempore possidebant, aut adhuc in antea ex munere Regum vel de collato populi, seu de comparato, aut de comparando aut de quolibet attracto, in quibus liber pagis aut territorijs inibi additum est vel collatum, integra emunitate antecessori suo BERTINO quondam, vel ad predictum monasterium SITHIV concessisset, ut nullus index publicus ibidem ad caussas audiendas, aut feda exactanda, vel fideiussores tollendos, nec mansiones aut paratas faciendas, nec homines ipsius monasterij, tam ingenuos, quam & seruientes, qui super terras suas commanent, distingendos, nec villas redibitiones requirendas nec exactandas, iudicaria ibidem Potestas ingredi non presumat, nisi sub nostræ emunitatis nomine, omni tempore cum omnibus fredis concessum pars ipsius monasterij perenniter debeat possidere.

Vnde & præceptionem ipsius Principis proavi nostri Clodovæt, cum confirmationibus prædecessorum auunculorum nostrorum Clotarii & Childerici, seu auorum nostrorum Theoderici & Childeberti, atque consobrini nostri Chilperici quondam Regis, ex hoc præ manibus habere affirmat, vt & ipsa beneficia concessa ab eo tempore usque nunc videantur esse confirmata.

Sed pro integratatis firmitate petijt à Celsitudine nostra memoratus *Erkembodus* Abbas, vt hoc erga ipsum locum per nostram auctoritatem pleniū in Dei nomine confirmare deberemus.

Cuius petitioni, ad mercedis nostræ augmentum vel reuerentiam ipsius sancti loci, ita præstitisse, & in omnibus confirmasse cognoscite. Præcipientes enim præcipimus, vt quidquid constat supra scriptum proavourum Clodovævum quondam Regem de ipsa emunitate, sicut superioris est comprehensum, concessisse præfato BERTINO antecessori suo, vel postea ipsi auunculi, vel auus noster Clotharius & Theodericus, Childebertus & Chilpericus, etiam & confirmations consobrini nostri Chilperici quondam Regis iuste & rationabiliter concesserunt vel confirmauerunt, vel de eo tempore usque nunc recto tramite sunt conseruatae, ita & in postmodum per nostrum præceptum plenius in Dei nomine confirmamus inspectas ipsas præceptiones supra scriptorum Principum, sicut per easdem declaratur circa ipsum Erkembodus Abbatem, vel successores suos, aut circa ipsum locum Sithiu omni tempore ipsa beneficia concessa in omnibus valeant esse conseruata, & nullam refragatio-

grationem, nec ullum impedimentum à iudicibus publicis exinde
quoquam tempore habere non pertimescant.

Vnde & ipsa congregatio, pro stabilitate regni nostri vel salute
patriæ, Domini misericordiam iugiter debeat exorare.

Et ut hæc auctoritas firmior habeatur & in omnibus conseruetur,
manus nostra subscriptionibus eam decreuimus affirmare.

Signum glorioſi Regis THEODERICI.

Data, quando fecit Martius dies tres, anno primo regni nostri, *Anno
720.*

N O T A T I O N E S .

S I T H I V) seu Sithiense monasterium, ab Adroaldo viro nobili an.
654. fundatum ac dotatum, hodie est amplissima Benedictinorum
Abbatia Bertiniana, inter muros urbis Audomaropolitanæ in Arte-
fia. Porro S. Bertinus, illius loci primus Abbas, an. 698. hic vivere
desijt.

S. ERKEMBODVS) seu Erquenbodo, S. Bertini discipulus, quartus
Abbas Sithiensis, ac demum Episcopus Teruanensis seu Morinensis,
anno 734. ad Superos transiit, in S. Mariæ basilica, nunc cathedrali,
conditus, ubi etiamnum sacra eius ossa religiosè adseruantur. No-
men ejusdem in tabulas Martyrologij Romani, 12. Aprilis, est rela-
tum. Vitæ series exstat apud Ioannem Iperium, Abbatem & Chro-
nographum ms. Bertinianum.

C A P V T VII.

Pipinus Francorum Rex Treverense S. Maximini monasterium
sub suo mandiburnio seu protectione an. 761. suscipit,
Vtilrado Abbe postulante.

D Omino & Saluatore nostro vitam æternam in Euangeliō pro-
mittente, plena & integra fide sine dubio credimus, nobis in
futuro sæculo recompensari, si stabilitatem & quietem monasterio-
rum confirmamus, ac res ecclesiasticas, Deo donante, cum prote-
ctione augmentamus.

Proinde ego PIPINVS, gratia Dei Rex Francorum, omnibus
Regibus

B 3